

肇慶府志卷十七

官績三

國朝

佟養甲

吳興祚

石琳以上總督

王安國

程巖以上學政

趙進美

趙廷標

胡永亨

彭端淑以上分守巡道

史樹駿

張至隆

宋志益以上知府

謝廷策

楊雍正

譚桓

王士瀚

韓際飛以上高要縣知縣

侯昌允

黃任以上四會縣知縣

劉可模

劉衍民

查蜚英

樓日章

魯遐齡

劉芳漢

陶世鳳以上新興縣知縣

林組新興縣訓導

單九翔

張含瑾

康善述

李敬修

蘇澎

黃博厚

李瑞麟

王鵬翥

以上陽春縣知縣

劉士課

霍雋韓

陳銓

以上陽春縣教諭

岑理

陽春縣訓導

范祝

周復揚

孫廷鐸

范士瑾

胡承謀

莊大中

伍斯琳

李青

李協伍

朱麟徵

以上陽江縣知縣

陳有懿

陽江縣教諭

張國城

于學

鈕琇

胡國楷

鄭其仁

楊興邦

張善述

崑開發

李植

以上高明縣知縣

李之任

洗瞻宗

蘇后來

以上高明縣訓導

鮑之奇

葛日彰

龐珍

周賓雅

何達善

曾萼

李文藻

以上恩平縣知縣

楊嘉模

甯堯采

李本潔

以上廣寧縣知縣

高子翼

甯養冲

林子蘭

薛璧

陶世鳳

以上開平縣知縣

黃大鵬

阮懋業

唐若時

以上鶴山縣知縣

郭大鐸

鶴山縣巡檢

劉晉康

饒崇秩

王基鞏

李育熊

張安鼎

徐志培

祖德宏

何世琬

以上德慶州知州

邱之澄

德慶州學正

郭曉

鄔大沛

柯玉齊

以上德慶州吏目

彭天壽

郭景祥

劉衛

許維新

閻宗衍

彭翥

胡纓蘭

以上封川縣知縣

韓海

封川縣教諭

錢憲

封川縣巡檢

張冲斗

邵龍光

張耀璧

以上開建縣知縣

鄭茂惠

羅學述

符思超
以上開建縣教諭

相君業

開建縣典史

蔡俊

潘昭

張權

以上武職

國朝

佟養甲字陸海奉天人從 龍世閑隨貝勒克閏授兩廣總

督奉

命平定百粵順治三年偕提督李成棟統師入潮州先遣閩
衿黃夢麒宣諭威德潮人赴關迎附時羣盜黃海如劉公顯
等各擁衆數萬分據州縣養甲剿撫並用盜各歸順由惠八
廣撫循難民以次削平山寇招徠新附四年順德亂民余龍
等以巨舶數百圍廣州養甲水陸邀襲龍敗走七月故指揮

楊可觀等欲以城應賊養甲斬以徇俘其黨三千餘人時羽書旁午帶甲縱橫養甲善以控馭凡糗糧餼牽之借索者樵蘇蒐獵之蹂藉者約束嚴明民咸賴焉粵土初平諸司未及銓授養甲妙選幹員慎簡廉吏劣者置諸法不少寬五年戊子歲饑養甲捐金平糶存活甚衆是年成棟以肇慶叛脇養甲不從死之康熙二十三年祀名宦

金通志

吳興祚字伯成號留村正紅旗人初任江南無錫令康熙十四年耿逆披猖隨王師平閩以功署觀察使及臺灣底定遂超遷閩撫康熙二十一年特命總督兩廣入境之日相度機宜部署廢藩綠旗官兵分左右翼左鎮廣州右鎮韶州制軍坐鎮上游控御全粵得扼要之勢逆藩尙之信以罪誅遺孽猶擅鹽鐵重利興祚釐剔甦民東安之河頭西趨高涼

直抵瓊州舟車輻輳百貨鱗集奸猾胡從等據市籍率二十而算一緡興祚杖而逐之粵錢法壅滯與祚設局鼓鑄經畫悉協錢乃流通至於招墾荒嚴營汛春秋耀旅鬪場聲振林木海不揚波苗蠻歸化白崧臺解組待

命五羊猶躡屐花田泛舟珠海與騷人墨客吟咏唱和所著有宋元聲律選及史遷句解歸朝後復出爲古北口都統

卒於官訃至兩粵之人奔走聚哭祀名宦

郝通志

石琳字瑯公滿州正白旗人父某開國元勲封忠勇伯琳第六子也初由佐領禮部郎中擢山東觀察使歷任浙藩開府滇楚所在建祠尸祝康熙癸酉特簡總督兩廣下車相險阻水陸營堡基置星布宵壬屏跡康熙三十五年東粵告饑乞糴於西西人遏糴琳爲融通法爰有泛舟之役復解俸散

給糜粥存活甚衆端江羚羊峽當西流之衝暴水潰堤琳朝服立堤上刑馬沉玉禱於江負薪塞堤水卽退康熙辛巳決黎讞於瓊南殲渠魁釋株連民用大定壬午猺人肆擾其窟穴八排在萬山之中琳提師會剿采八其阻蠻烟瘴雨中八腎胃而琳憊矣琳官粵一十四年分圖甲而錢糧清革私稅而商賈悅恤囚獄而痼弊解嚴海防而盜風息重文行而士勸學禁鬻女而民興慈流風善政之在人者蓋百世不諼者也猺人平復與疾會讞廣州

聖祖仁皇帝命使者齋藥存問琳拜

恩泣不能起登舟歸數日病革遂卒百姓巷哭聲相聞

聖祖遣官致祭粵東西之民相與肖其貌而祀之

同上

王安國字書城高郵人雍正甲辰會元殿試第二人授編

修十一年擢司業十二年遷侍講九月提督廣東肇高學政
十月擢侍讀學士僉都御史仍留學政任舟車聞見錄舊制院門
嚴啟閉安國曰人之欲實在心苟無欲雖日啟門何患乃設
西齋延見諸生令長揖不拜使知重廉耻長氣節自是士子
俗習盡除文風丕變後累遷至吏部尙書卒於家諡文肅淮海

英靈集

程巖字巨山江西鉛山人乾隆己未進士授檢討十三年出
爲肇高學政憫粵士文章淺陋乃選先正時藝一帙曰文轍
又評騭八家古文刊給諸生俾知取法試日輒口授指畫不
倦所屬士氣振興領解首掇巍科爲向來所未有旋擢侍讀
明年特授右庶子疏請廣東學政可以一官兼督部議報
可

高宗純皇帝卽敕嚴任之潮州食穀仰給潮陽揭陽辛未嚴
按試至潮值歲歉度兩邑士子所攜食米裕遂先試二學三
日竣事被黜者鬻米而去得萬餘石市價乃平嚴性冲和平
易而操持謹密使人親愛之而不可狎汲汲掄才不憚勞瘁
務殫厥職粵士謂學使自惠士奇後嚴亦爲賢云後厯官禮
部侍郎以終養歸卒於家

忠雅堂文集

趙進美山東益都人順治庚子轉廣東布政使司參政分守
左江道甫抵肇慶防兵以缺餉大譁進美單騎至其營諭禍
福衆遂定會藩司缺督撫將以屬進美進美念父母年老亟
圖北歸省覲力辭以齋表請行而左江道尋裁去

蠶尾續集

趙廷標字叔文錢塘人順治三年以諸生從軍由縣起攝府
事康熙十年由普安兵備道調廣肇南韶道兩廣八排諸寇

聞廷標至立解值連州寇起鎮臣以剿捕方畧委之廷標寇素稔廷標威望至卽就撫粵中分巡使者舊有柴薪錢屏不受給民之芻蕘無告者浙江通志爲政務持大體逾年以丁憂去後厯楚南秦隴皆有政聲祀名宦郝通志

胡永亨守恒子守恒死壬午難永亨募勇士夤夜入賊營收父骸而葬之康熙庚戌成進士爲戶部郎中奉

命鞠廣東獄仁恕得情分巡肇高廉羅道公廉持法於積弊

多所釐剔

大清一統志

彭端淑字儀一四川丹稜人雍正癸丑進士由吏部主事擢考功郎中以京察授肇羅道署按察使粵東好訟積案三千餘事端淑檄調諸州縣卷牘集幕客分案批閱之不三日結二千九百餘案見者驚服稱神明焉在巡道任與郡守吳

繩年修府志善詩古文詞以儒吏稱而又明於訊斷云

阮通志

史樹駿江南武進人康熙八年知肇慶府甫下車剔釐宿弊吏畏民懷期月而郡大治時有神君之頌前朝郡乘鼎革後蕩然無存樹駿購求數載始得陸太守鑿刻本於郡人梁應時家考正舛誤編輯成書爲三十二卷一方文教賴以不墜

舊府志

土棍乘亂誣害良善樹駿察其冤皆立予省釋郡有巨

猾煽誘閭里間密訪捕之置之法曰不去此不足以活一郡人也又力行保甲奸宄無所容一年之內四境肅清民立碑

頌德

張循吏郡伯德政碑

張至隆鑲紅旗人康熙三十二年爲肇慶府以廉潔率下僚屬敬畏肅學校勸農桑飭保甲省刑獄士民頌之郡當牂牁下流歲三四月西流暴漲廬舍漂溺豐樂長圍一決則受害

更烈至隆親駕小舟於研沙矜峽間躬先負土日夜督率堤
以永固從肇慶新橋而上人烟寥落山路多歧舟人以胡蔓
毒藥爲香燃之客皆迷惘遂啟鑄竊其資名曰夢香船至隆
捕得悉投大江中其患始息黃江厥稅胥吏多橫索至隆悉
裁抑之商民立碑記焉祀名宦

郝通志

宋志益長洲人康熙五十二年知肇慶府以廉介稱父廣業
以濟東道明農家居志益重閭包孝肅菊圃迎養其中以教
孝乙未朱天相嘯聚焚掠志益親行剿捕旋即撲滅民用安
堵又續緝郡志典贍有體與史志並稱

吳志

謝廷策字仲若浙江人貢生知高要縣時順治七年冬歸正
之初民未衽席廷策勞來安集撫字有方又能設法勸諭以
辦軍需催科不擾受事數月卒於官士民痛惜之

阮通志

案謝廷策高要高明兩志並收事蹟亦同未詳孰是
惟新舊通志及吳志列入高要今從之

楊雍建字白西浙江海寧人順治乙未進士十四年知高要

縣

浙江通志

高要當廣右之衝制府駐節於是師行絡繹供億甚

煩羽書一至徵民夫累百動遭鞭笞夫遇黠冊逃避胥吏繫
之若牽羊犬納諸解宇隙地凍餒者多雍建下車未久曰民
夫亦人子何忍使之露宿命徙廡廊下徹酒饌給之夫泥首
謝有泣下者平南靖南兩藩王兼鎮南海鹽穀絲麻輸官價
百倍而縣境羚羊峽產硯遣其掾採石日役黃岡村夫匠無
算篝火入巖穴有失氣死者雍建力減浮費掾以硯奉却不
受人比之包孝肅云師中索榕樹條爲綯繩以燃礮火風雨
不熄有百夫長持軍符下縣徵解語不遜雍建坐而撻之泣

告其帥帥愬之制府王國光國光曰書生彊項廉吏方剛是不可犯乃杖百夫長薦雍建於朝故事州縣守令厯再期始預薦牘三年方報最其次給由量銓雍建治高要縣甫一載就徵洵異數也

世祖章皇帝召試者再授兵科給事中尋陳廣東八害大旨謂委署太濫雜派太煩里役無定例用夫無限數鹽埠日橫私稅日盈砍柴採木日肆流毒皆切中時弊

阮通志

譚桓景陵舉人知高要縣有賢聲德慶州民羣請借攝康熙十一年署德慶州事逃民襁負來歸者甚衆州被安靜之澤

舊志桓所輯也

德慶志

王士瀚陝西咸寧人進士由翰林改官乾隆十三年作令高要愛民好士有人倫鑒時龔驂文方應童子試以占籍被攻

許士瀚諭衆曰此子必由詞館起家爲爾邑光遂拔置冠軍
贈以翰苑先聲額越十年驂文果登翰林仕至宗人府府丞
士瀚曾修縣學宮有記在任數年至今人猶思之

采訪冊

韓際飛字誠齋浙江山陰人嘉慶二十三年權高要令道光
元年實任性耿直言皆可復尤善治盜每微服夤夜親緝盜
巢獲懲不少寬縱或以盜攻盜而貸其前愆縣屬富佛蜺岡
等村向多匪盜至是絕跡終其任境內輯安嘗詳請動項修
葺城垣建東西礮臺躬親料理帑不虛糜工程最稱完固云

采訪冊

侯昌允

吳志作昌印

字充魯江南人監生順治十一年爲四會令

人民凋弊力爲鳩聚恤里役革陋例諮訪利弊因時立法公
暇則進多士而庭教之恬淡寡營意氣謙謹士民樂其政而

服其教

郝通志

黃任字莘田永福人壬午舉人雍正二年官四會令天才敏捷判決如流日不移晷而案牘已空因復延接俊彥談詩角藝日以爲常坐是頗爲上官所不喜縣有龍腹堤大沙堤皆捍田千數百頃大水陡發堤潰田湮任捐貲修築未及竣事以縱情詩酒被劾任旣去官仍典賣衣物以歲厥事百姓德之各贐金錢以償任一無所受歸日惟端坑石數枚詩束兩牛腰而已至貪泉曰吾無愧此君掬一勺飲之至擲硯沙曰人生不可有嗜好吾有硯癖慚見此君矣命榜人拿舟從他

路去

阮通志

劉可模福建龍溪人舉人順治四年知新興縣禮士愛民力守危城保全萬命

吳志